

七世祖廬山公實錄

七世祖諱兢老譜一名敬孫號廬山淮州知府璋之子也官授開州刺史大夫先世義門至唐僖宗朝已六世未分長幼七百餘口不畜婢妾人無間言每食必羣坐廣堂未成童者別爲一席有犬百餘共一牢食一犬不至諸犬亦皆不食建書樓以延四方之士鄉里率化宋太平興國七年恩恤義門勅免沿徵物色徭役欽承朝渥里閭光輝至公之世子姓益眾淳化元年江州知州唐戡奏允每歲貸粟二千石至道三年賜御書三十二卷並眞良家三大字命造御書樓賜匾曰玉音又賜知守宗希彥

成延繼公汝才思十二字以爲世次排行流芳不息慶厯四年
宣公入朝賜一御雀醇酒使舉家三千七百餘口一一遍知其
味是時義居應舉而登科者四百有三人廊署之在朝者琛遜
而下十有八員當路刺史司馬參軍縣令者珪疇而下二百有
九員簪纓纍纍指不勝屈於戲何其盛也伊古以來世家大族
聲施爛如者有之然或一再傳而家漸式微箕裘莫紹豈非以
保世滋大篤慶錫光戛戛乎其難之公則丕承先緒佑啓後昆
合三千七百餘口之子若孫濟濟一堂共敦孝義宜乎疊膺綸
綍式化里閭朱子云唐虞有君臣成周有父子陳蔡有師弟江

州有兄弟誠哉是言也至今查閱老譜合稽史書不禁穆然深思
畢然高望云